



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Ivrisdictione Ecclesiasticâ, & Iudiciis

Strein, Johann

Coloniæ Agrippinæ, 1658

Titulus XIII. De in integrum restitutione.

[urn:nbn:de:hbz:466:1-61847](https://nbn-resolving.org/urn:nbn:de:hbz:466:1-61847)

conf. 86. in 3. Steph. Gratian. decis. 96. Card. Tuschus. concl. 198.

In modo exequendi non unâ cautione opus est, ne habentis cupiditati & vindictæ laxatis justitia lædatur. *Primo* igitur, qui literas & consensum à Magistratu suo de Repressaliis obtinuit, executionem faciet non in alieno territorio, sed Magistratus seu Principis sui duntaxat. *Secundo* non faciet per se vel suos ministros, sed per Officiales publicos, quos Princeps eum in finem designârit, quia nemini vindictam facere sui ipsius permittitur. *Sciendum*. §. Quia cum aliter. ff. ad l. Aquil. l. Exstat. ff. Quod metus causa. & l. Meminerint. l. Si quis in tantam. c. Unde vi. *Tertio*, Bona, quæ per Repressaliarum executores erepta fuerint, vel apud Creditorem, cujus causâ erepta sunt, manebunt, vel apud Magistratum custodientur, vel si expe-

diens, & necessarium videatur, vendi possunt in solutionem auctoritate judicis: cuius erit semota avaritia, & omni prava cupiditate, dispicere, *Ne quid nimis*, in negotio aliàs lubrico, & periculoso. *Quarto*, si personæ captæ sint, non creditoris in potestate, sed Principis erunt, & pro ratione status sui tractabuntur. Tholosanus & personam & bona capta exhibenda esse putat judici illius loci, ubi capta sunt, qui consignet repertorio publico, vendi curet, indeque satisfieri creditoribus. Quod superest, dominis reddendum erit, deductis impensis iudicialis, & legitimæ captionis. *Bald. in Auth. Et omnino. Ne uxor pro marito. & l. g. ii. notab. 2. notab. l. 10. C. Ioan. de Lignano in Tract. Repress. part. 5 q. 12. Cast. conf. 313. Tholos. l. 38. c. 8. Damboud. in Pract. c. 98. Cardin. Tuschus. concl. 195.*

TITVLVS XIII.

De in integrum Restitutione.

Sicut reddere, à retrò dare trahitur, l. 49. Verbum reddendi. ff. de signif. verb. ita restituere à retrò, & statuo, quasi dicas, statuo iterum in priorem locum: in qua acceptione latè patens illius est significatio. Nam Princeps dicitur restituere natalibus, famæ, honoribus, & ordini. Causæ etiam, de quibus iterum cognoscitur, restitui in integrum dicuntur. l. Divus Adrianus 33. l. Imperatores 34. ff. de re iud.

Denique, quod nostro proposito magis conducit, reparationem mutati status

significat, præsertim illius, qui per sententiam iudicis lætus est. Quod remedium omnium esse tutissimum censetur, cum aliis, tum illis maximè, qui appellationis remedio destituti sunt. Si quis extraordinarium remedium appellare voluerit, minimè arguendus est. l. in causa ff. de minorib.

§

Quid restitutio in integrum, & quorum?

- I. **R**estitutio in integrum quoad personas, nihil aliud est, quam in pristinum

bb 3

num

num statum restitutio: vel pristini iuris redim-
 tegratio, sic ut unusq; usque ius suum integrum
 recipiat, ac si nunquam intervenisset mutatio,
 vel læsio. l. Quod si minor. § restitutio. ff. de mi-
 nor. l. un. C. de reput. qua fiunt. & l. i. C. de
 sententiam passis. Vallensis l. i. tt. 41. § 1. Sil-
 vest. V. Restitutio § 1.

Dividi potest secundum varietatem
 causæ, propter quam conceditur. Vel
 enim læsio fit per sententiam iudicalem,
 vel per contractum, vel iniuriam ali-
 quam, quarum quælibet sufficiens ad pe-
 tendum in integrum restitutionem. Item
 alia est rigorosa, & de iustitia datur ei,
 qui non potuit prosequi appellationem:
 alia gratiosa perquam non tollitur prius
 gesta Tuschus. concl. 277. & 299.

II. Non omnibus sed certis personis
 intra quadriennium à tempore læsionis
 datur, primo minoribus 25. annis, cum
 vel ipsi, vel ipsorum tutores, aut Curato-
 res ex sententia iudicis, vel alio iudiciali
 actu læsi sunt. l. i. & to. tt. C. si. adv. rem-
 indicatam. vel alias contrahendo aut o-
 mittendo se probent læsos esse. c. Constitu-
 tutus §. hoc. tt. Nam si contractus minoris
 in solennitate deficit, rescinditur, si verò
 adsit illa quidem, sed lædatur minor, in
 integrum restituendus est. Abb. Innoc. 1. mo-
 la. Anchor. Panorm. Barb. in cap. cit.

Secundo datur Ecclesiæ, quando con-
 stat læsam esse, quamvis non enormiter,
 in contractibus, vel alienationibus. c. i.
 hoc. tt.

Neque enim decet minus Ecclesiis,
 quam minoribus indultam esse, sed pari-
 bus frui immunitatibus æquum est. c. 2.
 & 3. hoc. tt.

Tertio Hospitalibus, Collegiis, Con-

gregationibus, aliis piis locis, & Univer-
 sitati studiorum. Bald. conf. 465. Abb. in c.
 2. de consuet. Maranta tr. de appell. n. 85. Barb.
 in c. Requisivit. h. t. n. 4.

Quarto Reip. & supremis Principibus
 l. 4. C. Ex quibus causis maiores. l. 3. C. de iur.
 resp. Quod Maranta extendit ad omnia
 castella, & villas, quæ reguntur per Syn-
 dicos, & Administratores, sive magna
 sit, sive parva, modò superent numerum
 incolarum denarium.

Quinto datur militibus, quamdiu ni-
 mirum occupati, vel abentes sunt in ex-
 peditione bellica. l. fin. c. de restitu. mili-
 tum. Item rusticis, qui non potuerunt
 consulere peritiores. Alex. consil. 14. Me-
 noch. casu. 194.

Sexto læsis ultra dimidium iusti pretij
 in contractu usque ad 30. annos, quia a-
 ctio civilis, & perpetua est secundum Bal-
 dum c. de rescind. vend. Maranta. n. 82. Abb.
 in c. Cum causa. hoc. tit.

Septimo datur etiam maioribus 25. an-
 nis ex clausula generali. Si qua mihi iusta
 causa esse videbitur. l. i. & to. tt. ff. Ex quib.
 causæ maiores.

Denique remedium hoc datur etiam
 pro quasi possessione rerum incorporea-
 rum, cuiusmodi sunt actiones, & iura.
 Præterea ad hæredes transit, dummodò
 probetur defunctum possedisse. Barb. in c.
 Redintegranda. 3. q. 1. Guido Papa. q. 473. Tuf-
 chus. concl. 285. Less. c. 17. q. 9.

III. E contra restitutio in integrum
 non datur illis Primo, qui sua culpa bonis
 spoliati sunt. Rotæ decis. 462. n. 2. Quod
 extendi debet ad minorem, qui confessus
 delictum est, de quo convinci non po-
 tuit. Fachin. l. i. c. 70.

Secundo

Secundo non datur ei, cuius possessio annis iunior est, adversus eum, qui habet antiquiorē, quia iunior de mala fide suspecta est. *Alexand. consil. 6. Excipe, nisi iunior legitimum titulum alleget.*

Tertio non datur illi, cui negatur audientia per statutum. *Ioan. Andr. in c. Ad abolendam. Card. Tuschus concl. 45. num. 90.* qui ramen limitet in eo, qui rem litigiosam emit, & postmodum à possessione excludit.

Quarto, qui auctoritate iudicis legitime procedentis spoliati sunt, non possunt restitutionem in integrum sperare, cum ius & conscientia ipsis contradicat. *Menoch. Remed. 8. Recuperan. possess.*

Quinto negatur in delictis, & adversus prescriptionem. *V. Treutl. disp. 11. n. 12.*

IV. Ecclesiæ privilegium de in integrum restitutione sic ampliari debet, ut valeat etiam adversus aliam Ecclesiam. *c. 3. & c. Suscitata hoc tt.* Item, ut valeat contra sententiam cuiuscunque iudicis, etiam Papæ. *c. Ex liter. 4. cum seq. hic. c. sententiam, & c. Veniam. 36. q. 9.* Simili modo minores adversus sententiam Principis restituantur. *l. Minor. 18. ff. de minor. Lancelot. l. 3. inst. tt. 18. §. Sed etsi.*

Nec obstat vulgatum illud. *Privilegium contra privilegium non utitur privilegio suo.* Illud enim verum est in pari causa utriusque, puta, si uterque læsus esset, & certaret de damno. Tunc enim possidentis melior esse conditio existimatur. *c. In pari. de R. I. in 6.* Alter, si unus læsus sit, alter non læsus: vel si unus certaret de damno vitando, alter de obtinendo lucro. *V. Part. 1. Summa. Tit. 15. §. 12. n. 14. Vallens. l. 1. tt. 41. §. 1. & l. 5. tt. 33. §. 1. Suar.*

de leg. l. 8. c. 23. Menoch. Consil. 447. n. 37. Steph. Gratianus decisione 96. Alexand. consil. 55. lib. 5. Castrensi. consil. 37. l. 2. Tuschus concl. 760. n. 14.

V. In integrum restitutio petenda est intra quadriennium à tempore læsionis. *c. 1. & 2. eod. in 6.* Cognoscenda insuper causa adversario præsentē, qui audiatur, quomodo causæ restitutionis allegentur, & probentur. *c. ex literis hic.* Nam quod aliquem tangit, peragi non potest, nisi is certioretur. *c. Quod omnes. de reg. iur. in 6.* aut per contumaciam absit. *l. in causa 13. ff. Minor.* Iudici tamen licet prorogare tempus ex rationabili causa. Petitio autem non proponitur iure actionis, sed implorato iudicis officio. *l. Quod si minor 24. c. ult. §. ult. ff. eod. Mynsing. Cent. 1. observ. 51. Zypæus l. 1. consultat 2.*

Ecclesia vero propter enormem læsionem etiam post quadriennium restituitur. *Gloss. in c. 1. hoc tt. Covarr. l. 1. Variar. c. 3. n. 9. Roderic. tom. 1. q. 9. art. 2. Tuschus concl. 289. Rom. consil. 407. Abb. l. 1. consil. 32. Alexand. l. 2. consil. 151.*

VI. Si de iudice, apud quem, vel coram quo, petatur restitutio, quæris, tam laicus, quam Ecclesiasticus esse potest, non tamen petentis, sed rei. Et requiritur in illo, ut habeat administrationem iurisdictioni suæ adiunctam, vel ut delegata sit illi Universitas causarum, vel specialis potestas data ad exercendum hoc iudicium. *Azor. l. 2. Summ. §. 47.* His deficientibus peti ab eo restitutio non potest, ut nec ab arbitro commissario, nisi mota incidenter causa fuerit. *c. Causa hœtit. Vbi plura Barboza simul annotans. Eccle*

Ecclesiam læsam in contractu à laicis, convenit illos posse coram Iudice Ecclesiastica. Quod etiam in aliis causis locum habet, nisi consuetudo, aut speciale aliquod ius obstat. *Abb. consil. 87. l. 1. Treutl. disp. xi. n. 1. Barb. in c. Redintegranda. 3. q. 1. Bart. in l. Iudex. ff. de re iud. Tuschus concl. 278.*

VII. Non agendo tantum, sed excipiendo quoque in integrum restitutio peti potest. *Bart. & Bald. in l. Nam postea. §. Si minor. ff. de iureur. & probatur in l. Papa. §. si filius. ff. de inoff. testam. Et eundem effectum habet, si petatur excipiendo, quem habet, cum petitur agendo, ut notat Ioan. Andr. & Anton. in c. Exhibita de iudic.*

Contra illum ergò, qui solutionem exigit, vel rem tradi postulat, excipere potes, te in illo actu, vel contractu læsum esse. Nam qui ad agendum admittitur, est ad excipiendum multò magis admittendus. *Reg. 71. Iuris in 6. & cui damus actionem, eidem & exceptionem competere multò magis quis dixerit. Reg. Iuris 156 ff.* Hæc exceptio durat, quamdiu solutio facta non est. Factâ autem solutione opus est sententia iudicis, ut recuperetur, nec licet compensationem occultam facere. *l. Si curatorem. 3. c. de integr. rest. Gomez. tom. 11. c. 14. num. 5. Barb. in c. Suscitata hoc. tit. Less. c. 17. dub. 9. n. 68. Tuschus concl. 277. n. 31. ubi monet etiam incidenter peti posse.*

VIII. Adversus sententiam maioris iudicis iudicium minori non permittitur restitutio. *l. Minor. 18. ff. de minor. Minor Magistratus contra majorem non restituet. sed adversus propriam, vel eorum, quibus æqualis est, restitui potest. Item*

contra definitivâ ipsius Principis sententiâ, ut Procuratoris quoque aut Vicarii vel delegati ab ipso solus Princeps restituit. *di. l. Minor. & l. 3. C. si adv. rem. iudicat. Sfortia Part. 1. q. 31. art. 3. nu. 33. Barbosa in c. causa. de rest. in integr. Vallens. l. 1. tit. 41. §. 2. n. 3. Lancelot. l. 3. inslit. tit. 18. §. Huiusmodi vero. Canis. l. 4. tit. 16. §. Quod arriquet.*

IX. Quamdiu apud iudicem de restitutione agitur, innovare quid neutri parti permissum est, sed in statu suo cuncta relinquenda sunt, usque ad decisionem. *l. un. c. Restituit. in integr. postul. ne quid novi fiat.*

Limita, nisi vehemens præsumptio contra petentem sit, quod causa differendi executionem sententiæ petat. Tunc enim executio fieri potest, cautione ab adversario victore præstita de restituendo, quicquid intermedio tempore perceperit, causa petenti adjudicata. *c. Suscitata. hoc. tit. Mysing. cent. 1. obs. 48. Barb. in c. Ex literis hoc. tit. Zypaus l. 1. consultat. 4. Socinus in reg. 346. Bocer. disp. 14. thes. 17. Treutler. disp. 11. Thes. 2.*

X. Negata semel per sententiam iudicis restitutione non est petenda iterum, nisi nova causa emerferit: obtenta verò ad pristinum & turbatum læsione statum regressio fit, & retractantur omnia, ex quibus facta damnificatio erat,

Præterea, quamvis extraordinarium, & personale remedium censetur, tamen quia est in rem, & iuri familiæ adheret, ad hæredes, & universalem successorem transit. *l. 2. & 4. c. de tempor. in integr. restituit. Tholos. l. 13. Synr. c. 4. num. 12. Mysing. cent. 1. obs. 52.*

In fideiussorem verò, & socium non transit: quia parum conveniens, sed &

noxium

noxii foret fideiussori in necessitate creditoris subvenire, qui in securitate obligationis eum recepit. Adde quod fideiussor recursum habet adversus minorem, ut indemnus servetur. *Gaill. l. 2. observ. 131.* ubi addit communem opinionem DD. esse, quod in integrum restitutio hæredibus competat. *Baldo* tamen hic articulus tam dubius fuit, ut decisione Cæsarea dignum iudicaret. Quo non obstante plerique omnes consentiunt, pupillum vel infantem ad hæredes suos beneficium restitutionis in integrum adversus omnifam additionem hæreditatis transmittere. Hæredes enim petere possunt restitutionem in integrum ad eandem hæreditatem ex clausula generali, *si qua mihi iusta causa esse videbitur. l. 1. ff. Ex quibus caus. maiores.* *Bart. in l. Pantonius n. 2. ff. de acquir. hered.* *Bald. in l. Si infanti. eod. Socin. Consil. 116. Decius cons. 331. Azor. l. cit. §. 124. Mysing. centur. 4. obs. 19. Azor. III. l. 6. c. 14. §. Dubia. Gomez 11. & 14. Barbos. in c. Ex beneficio hoc et Aloys. Riccius. Collectione 1518. ubi pluribus modis limitat.*

NOTA. Quamvis regulariter restitutio in integrum petita semel, & negata aliam excludat. *Ab. in c. fin. h. t. non impedit tamen, quo minus peti queat alio titulo & sine: v. g. si mutatus sit causa status, vel cum antea res postulata sit non habitâ fructuum ratione.* Tunc enim sive negata prius, sive obrita fuerit, licebit pro illâ agere, cum nova causa petendi sit. *l. fin. §. fin. ff. de condict. indeb. idque procedit, quando æquitas suadet. l. Nec utile. ff. ex quibus causis maior. Tuschus Conclus. 295. & 280. n. 4. Azor. in Summ. l. 2. §. 44. Trentl. disp. xi. hb. 1.*

§. 2.

Satisfit dubiis de restitutione in integrum.

DVb. 1. An restitutio in integrum fiat in rebus minimis? *Covarr. l. 1. Var. c. 3. n. 10.* pro affirmativa parte non paucos DD. citat, quorum ratio est, quod contingere potest, ut ex negatione restitutionis in integrum quamvis modica videatur, læsio magna existat, quæ præiudicium generare queat. Negativæ tamen parti subscribendam ipse *Covarr.* auctorizat, cum quo.

R. In rebus minimis restitutio in integrum non fit, uti nec actio de dolo exiguo. *l. Si olemm ci. fin. cum seqq. ff. de dolo.* Hinc *Barolus ad l. Scio. ff. de rest. in integr.* docet, in iis, quæ contra jus commune ex speciali privilegio permittuntur, modica non curari: secus in illis quæ secundum jus commune conceduntur. *l. si proprietarius. ff. de damno iuse.* Adde quod modica dos non vocatur dos: & de modica iniuria non curat prætor. *di. l. Scio. ff. de rest. in integr. & ibi Glossa. Bald. in Practica. q. 4. de probationib.* An modica sanguinis quantitas percussione elicitæ excuset eum, qui vulneravit. *Azor. l. 2. Summa §. 2. Gaill. l. 2. obs. 202. Schneidevvin. l. 1. instit. tit. 21. §. Quando auctoritas n. 14. Bartolinus annot. ad Lancelor. l. 3. Instit. tit. 18. §. 1.*

Dub. 2. Pro obtinenda in integrum restitutione, quid minor probare debeat?

R. Tria præcipuè notari cõmunitèr à DD. Primo ut probet se minorem esse, id est, non excedere annum ætatis 25. computando de momento ad momentum, ita tamen ut in bisextili duo dies

pro uno computentur *Azor. l. 2. Sum. s. 22.*
Secundo læsum esse in re non exigua. *Ter-*
tio, id factum esse dolo adversarii, vel ni-
 mia sui facilitate. *l. Verum. s. sciendum. ff. de*
minor. & l. ult. C. de in integr. rest. minor. Ab
Anton Butrio. quartum abjicitur, ut minor
 probeat, se esse intra tempora in integrum
 restitutionis petendæ, scilicet intra qua-
 driennium: de quo in *l. ult. C. de temp. in in-*
tegr. rest. Verùm alii hoc ut superfluum,
 imò inutile reiciunt, quia nemo alle-
 gare tenetur illud quod ab adversario ob-
 niendum timet. *Corn. conf. 135.* Reo po-
 rius considerandum est, quomodo contra
 petentem probeat, illum extra tempus
 quadriennii positum malè pro restituo-
 ne in integrum postulare. *l. In exceptionib.*
ff. de except. Guido Papa decis. 142. Bald. in l. 1.
& Salicetus in Auth. Si omnes. C. si ab her. se
abstin.

Quod diximus, à minori læsionem
 probandam esse non procedit, quando
 læsionem ex ipsa facti specie cognoscimus,
 ut patet in præscriptione, cuius damna il-
 lam probant, & manifestant: ut tunc suf-
 ficiat ætatis suæ conditionem iudici de-
 monstrasse. *Anton. de Butr. in c. Constitutus*
h. tt. Mysing. cent. 4. observ. 16. Stepha.
Gratianus decisione 196. Corn. conf. 135. l. 2.
Guido Papa. decis. 142. Alexand. l. 2. con-
fil. 163.

Dub. 3. Quid minor probare debeat,
 quando contra omisam appellationem
 restitui petit?

R. Duæ opiniones sunt. Vna illo-
 rum, qui existimant, non aliud proban-
 dum esse, quàm quod minor sit. Læsi-
 o enim aliunde ex ipsa appellationis omis-
 sione satis patet, nec opus est probare sen-

tentiam malè contra se latam esse, Altera
 opinio est *Castrii in l. Sancimus. C. de temp.*
in integr. rest. à minore probandum, quod
 malè contra se lata sententia sit, sibi que
 profuturum fuisse appellationem, cum in
 dubio pro sententia præsumatur. Nec ad
 rem facit Conani distinctio, Actor, an
 reus sit, qui restitutione indiget, Lex,
 enim, quæ minorem restitui mandat, nul-
 lam differentiam facit inter reum, &
 Actorem, neque in Camera Spirensi id
 attenditur.

Quamobrem probabilius cenſeo Mi-
 nori simpliciter probandam esse læsionem
 ex omisam appellatione, cum manifestum
 sit potuisse, & non potuisse lædi. Igitur
 factam qui allegat, probare debet. Facta
 enim non præsumuntur, sed probatio-
 nem exigunt. *l. In bello. s. Facta. ff. de ca-*
pitulis l. quacunq. s. penult. ff. de publicanis.
c. Super literis. de rescript. Mysing. l. cit.
obs. 17.

Illud quoque observari dignum est,
 quando adversus contractum restitutio
 petitur, plenè probandam læsionem
 esse: sufficere autem qualemcunque,
 quando petitur adversus omisam allega-
 tionem. *Jacob. de S. Gemin. in l. 1. c. Qui, &*
advers. quos. Milis in Repert. V. Restitutio
pag. 414.

Limita, nisi omnino nota & manifesta
 læsiō esset: quæ nimirum evidentia sua ex-
 cluderet contradictionem. *Tuschus. lit. N.*
concl. 104.

Dub. 4. An restitutio in integrum peti
 possit adversus contractum iuramento
 confirmatum?

Affirmant multi apud *Andr. Gaill. l. 2.*
observ. 41. hoc argumento persuasi. Ne-
 mo.

mo censetur renunciare juri suo, quod ignorat sibi competere. *l. maior decedens §. Caterum ff. de inoff. testam. l. fin. C. de non num. pecun.* Sed minor propter ætatis, & iudicii infirmitatem beneficium à iure concessum ignorare præsumitur: & ignorantia iuris minorennem excusat. *l. Fere in omnibus ff. de reg. iur.* Ergò iuramentum non excludit minorem à beneficio restitutionis in integrum, cum talis solennitas sit extrinseca contractui, ideoque non præsumatur. Verùm aliter tum Iuris-consulti, tum Theologi sentiunt, cum quibus

R. Adversus contractum iuramento confirmatum non admitti petitionem restitutionis in integrum. *Ratio generalis est.* Iuramentum, quod absque dispendio salutis animæ servari potest, servandum est. *Cum contingat. de iureiur. Less. c. 17. dub. 7. num. 2.* Et iuramentum proprium nemo potest violare, *c. in his. dist. 11 & c. 1. de cleric. non resid. in 6. l. cum quis decedens ff. de legatis III.* Possè autem prædictum iuramentum absque læsione conscientie servari, licet fortè rei familiari noceat, nemini dubium est. *Nay c. 2. nu. 14. Sily V. iuramentum §. 4. n. 1. & alii Summ. communiter.*

Idem dicendum est, sià Procuratore suo factum iuramentum Minor ratum habuerit. Eadem videlicet religione observabit. Si autem Vniversitatis alicuius Syndicus, vel Procurator contractum inierit cum iuramento, non eum effectum habebit, ut si violetur Vniversitas periurii rea sit, quia Vniversitas non habet animam: illud tamen efficiet, ut Vniversitas non possit re-

stitutionem in integrum postulare. *Marranta part. 6. pag. 259. Fachineus l. 3. c. 14. Gaill. l. 2. obs. 41. Less. c. 17. dub. 9. num. 65. Azor. l. cit. n. 46.*

Dub. 5. An restitutio in integrum minori detur adversus tertium possessorem?

R. Dari, contra bonæ, & malæ fidei possessorem. Tertius fortè emit, fortè dono, aut hæreditate accepit, fortè alio quocunque modo parta est cum læsione, & damno minoris. In his omnibus, & similibus eventis competit minori in integrum restitutio, propter nocumentum ipsi illatum. *l. in causa. §. interdum. l. si ex causa. §. de minor. Menoch. de recup. poss. rem 15.* ita tamen ut indemnis servetur, ad quem aliena res iusto titulo translata est, ipso defectum ignorante: quemadmodum in rei alienæ venditionibus fieri solet. Hanc esse communiorum opinionem testatur *Andr. Gaill. l. 2. observ. 75. Molina D. 575. Fachin. l. 1. c. 38. Azor. l. 11. l. 6. c. 14. §. In dubium. Mysing cent. 3. observ. 85. Less. c. 17. dub. 10. n. 71. & alii apud Berlich. part. 1. conc. 14. n. 19. & seq.*

Dub. 6. An minor restitui possit adversum contractus in minori ætate factos, quos post annum 25. ratificavit?

R. Non posse. Vel enim contractus in minori ætate celebratus, merito iure valuit, quia nimirum cum debita solennitate confectus est, vel non valuit, propter defectum alicuius requisiti. Neutro modo competit minori beneficium restitutionis. Non primo, quia non potest allegare iniustam læsionem. Non secundo, quia ratificatio

cc 2

confir-

confirmat contractum: & si læsus est, alio modo subvenitur illi, puta, per rescissionem contractus, propter deceptionem ultra dimidium, vel aliud simile vitium. Ac proinde non est cogitandum de in integrum restitutione. *l. 1. & 2. C. Si maior factus habuerit. Gomefius tom 2. c. 14. num. 11. Azor. 1. 1. l. 6. c. 14. §. Quid dicendum. Less. c. 17. dub. 9. n. 65. Treutl. disp. 1. n. 13.* Neque interest, verbo, an factio ratificaverit, cum utriusque eadem virtus sit. *l. Respondebit. ff. Rem rat. hab.*

Dub. 7. An quando restitutio in integrum fit, fructus quoque restituendi sint?

R. Vel alienata res est gratuita, vel non. Si prius, cum fructibus suis restitui debet: si posterius, quoad conscientiam non sunt restituendi fructus. Namposito, quod ager iusto pretio venditus sit, quemadmodum emptor ex illo fructum, ita venditor ex pretio lucrum habere potest. Dico, quoad conscientiam, quia in foro externo aliter disponunt leges, & Paulus I. C. in *l. quod si minor. §. restitutio. ff. de minor. restitutionem in integrum ita concedi minoribus scribit, ut cum fructibus res reddenda sit: quod etiam affirmatur *l. Verum. §. 1. & l. patri. §. si pecuniam & l. minor viginti quinque annis, cui fideicommissum. ff. eod.* Nec Ratio, deest, quia sic facienda restitutio est, ut unusquisque ius suum integrum recipiat. *Bart. in l. ab hostibus. §. sed quod simpliciter ff. ex quib. caus. maior.* Verum opinio hæc, nisi de possessione, malæ fidei intelligatur, nec ratione, nec praxi iuvatur. Ratio autem superius insinuata est, quod in fructibus perceptis minor nullum damnum passus sit, cum ex lucro pretii qualem fructum possit percipere. Vnde *Cazdin. Tuschus. conclus. 23.**

dixisset receptâ re, fructus quoque peti posse, addit, si æquitas permittat. Quod experientiam attinet *Covarr. l. 1. c. 3. n. 1.* in iudicio difficillimè, admitti dicit: adde- ret, nec admitti absque iniuria posse. Pro conciliatione valet *Covarr. l. 1. Variar. c. 3.* annotatio, leges citatas intelligi non de fructibus ante litem indictam pendenti- bus, sed de illis, qui tempore litis pen- dent, quorum in sententiâ suâ iudex men- tionem facere debeat, ut simul cum fun- do restituatur.

Dub. 8. An hæreditatem Principis fa- vore alteri delatam in integrum restitu- tus recuperet?

Affirmat *Cynus, Angelus, Aretinus & Andr. Gaill. l. 2. de pace publ. c. ult. & alii,* quibus tandem opinione suâ mutatâ acce- dit *Fachineus l. 1. c. 39.* Nisi tunc autem auctoritate *l. 1. §. Filio qui mortis. ff. ad S. C. Trebell.* ubi dicitur, nisi forte servus pe- næ effectus principis beneficio sit restitutus.

Negant *Bald. Iason, Gomez l. 3. c. 13. n. 26. ex l. Interdicit. ff. de condit. & demonstr.* illis verbis. Non idem erit dicendum, si ea pœna in eum statuta fuerit, quæ irrogat servitutem. Sensus est, legatum interdici- re, licet condemnatus in integrum resti- tui possit.

Medium cum distinctione sequitur *Alexand. in Comm. di. §. Et quid si.* Vel enim apprehensa fuit bonorum possessio, ab eo, cui delata hæreditas est, vel non: Si illud, dominium transit, & non recuperatur hæreditas: si hoc, recuperari potest. Et hæc sententia mihi quoque præferenda videtur ex eò, quod gratia uni concessa alteri præiudicare non debet, quod tamen fieret, si possessione, & dominio suo pri- vare.

varatus, qui hæreditatem principis beneficio consecutus est. Atque in hunc sensum interpretaris licet paulò ante leges citatas.

Quod si inde damnum enorme passus fuerit in integrum restitutus, remedium seu levamen à benignitate Principis expectare potest.

Dub. 9. An restitutus à Principe in integrum ex merâ gratiâ pretium bonorum à fisco alienatorum recuperet?

Certum est; ipsa bona, si alienata fuerint, non recuperari, quod gratia uni concessa non debet alteri præiudicare. l. 2. §. merito. ff. Ne quid in loco publico. Quocirca adversus possessorem non dabitur actio cuiquam. Sed de Fisco difficultas remanet, annon refundere debeat pretium, cum ex illo ditior effectus sit. Tuschus consil. 276. n. 11.

R. Bonorum à Fisco alienatorum pretium restitutio à Principe in integrum reddendum esse. l. ex lege. §. Sed etsi lege. §. Item si rem distaxit. et. de pet. her. ubi bona fidei possessor ad restitutionem obligatur, in quantum ex pretio locupletatus est. Cum ergò Fiscus loco hæredis sit, & bona alienata sint, illorum pretium restituendum erit. l. Tutoris C. ad l. iul. de vi. Aliàs non possumus intelligere, quomodo in integrum restitutus esse dicatur, qui eorum, quæ antea obtinebat, nihil recipit. Indulgentiæ restitutio bonorum, ac dignitatis uno nomine amissorum omnium recuperatio est. l. ult. c. eod. In dubio mens Principis consulenda erit. Matth. de afflict. decis. 361. Fachin. l. 9. c. 18. Contrarium tamen, quoad bona alienata persuadere conatur. Iul. Clar. §. fin. q. 59.

TITVLVS XIV.

De remissione, & purgatione.

Super sunt duo modi, quibus in iudicio objecta vel suspicione imputata crimina diluantur. Princeps enim aliquando gladio, quo uti solet ad vindictam malorum, vaginæ reddito, clementiæ suæ beneficio abolere, quàm plerèc commissa mavult, adeoque compedes, & vincula laxans liberos dimittit malefactores: aliquando cum occulta delicta sunt, suspicio tamen reos urget, purgatio indicitur, per quam innocentia demonstratur. Hæc igitur in futuram nobis annuenda materia erit.

§. I.

De remissione, & gratia.

I. EX eo, quod in c. t. de poenitentis & remissionibus dicitur remissiones, quæ sunt in dedicationibus Ecclesiarum, aut conferentibus ad ædificationem pontificis, nonnisi subditis prodesse, Præteius colligit, remissionem aliud non esse, quàm indulgentiam, qua peccatorum pœnæ per sacros antistites tolluntur. Dambouderus verò c. 146. ad forum sæculare respiciens relaxationem pœnæ capitalis interpretatur, quæ fit in homicidis, & aliis capitalibus.

c. 33. bus